

FIITU **nba ki Yiisa Masia din fiit wann** **Jɔɔnn**

Ki jiin Fiitu gbouŋ na po

Jɔɔnn fiitu gbouŋ na din sɔb, yoo nba ki Yiisaweira di biak, baa teen yada nan Yiisa Masia tee Yomdaano nae.

Sɔbtɔɔ na barjar tee wun tur li karinteebe dindann nan kpaŋ-n-mɔŋ, ki bia te bii see bi yada ni, biak dinu ni nan mukisuk yoo.

Gbouŋ na ni bonchiann tee fiitu nan yirintue, ki tee nyina nba ki yoo maŋ Masiaweira saa bann li paak, ŋaan tee linba ki nilee na kan fit bann li paaki.

¹ Maan nba ki Yiisa Masia din fiit na sɔb gbouŋ na nie. Yennu-e din turo maan maŋ a wun wann u toontunna linba saa teen mɔtana. Masia din tun u malaka, u toontunno Jɔɔnn boor, a wun betɔ maan maŋ kur. ² Nanne ki Jɔɔnn fiit linba ki u la na kur ki wann, ki li tee barii nba nyii Yennu boor, nan linba ki Yiisa Masia fiit ki wannɔ na. ³ Wunba karin sokinii mɔmaan nba sɔb gbouŋ na ni, parpeenn tee u yare, ki binba gbia mɔmaan maŋ ki saakir, parpeenn tee bi yare mun, kimaan yoo na pera ki linba na kur saa tun.

Ki jiin Masiaweira nba be digbana ŋanlore ni na po

⁴⁻⁵ Min Jɔɔnn-e sɔbin gbouŋ na ki teen Masiaweira nba be digbana ŋanlore ni, Asia yent ni

na. Yennu nba din be, ki bia daa be, ki bia tan sii be mɔkmɔk nan mɔkmɔk, ki sei ŋanlore be u naangboun tɔonn na, nan Yiisa Masia, wunba mɔontir Yennu maan nan barmɔnii, ki tee sinsinn daano nba din fiir kuun ni, ki bia tee tingboun na kpanbara kur Kpanbar na, bi lomm nan parmaasir-ii be nani. U loont, ki gaar ti paak ki kpo, ki nyinnit ti toonbiit daabisin ni, ⁶ ki te ki ti tee u naan ni niib nba tee mannteeb, a tin tun u Baa Yennu toonn; ŋɔɔe yen paku nan paŋ mɔkmɔk nan mɔkmɔk. Mamɔmm.

⁷ Gotir man, u sii be sanpagbant ni ki baar. Sɔɔ kur ninbina tan saa lau, nan binba din ŋmu-u na gbaa. Yoo nba ki u sii baat na, tingboun na niib kur saa bui u paak. Mamɔmm, li saa teen nnawa.

⁸ Ti Yomdaano Yennu, wunba mɔk paŋ kur, ki din be, ki bia daa be, ki bia tan sii be mɔkmɔk nan mɔkmɔk na, ŋɔɔe yeen a “Mine tee bont kur pinpiik nan li joontu.”

⁹ Tɔn, min Joonn nba tee i naa bik, ki taan nani ki di biak nan sukuru Yiisa paak na, maa din lin ki mɔontir Yennu maan, nan Yiisa barnanii na paake, ki bi jiin ki saan nanin Patmos tin nba ki nyun lintir na ni. ¹⁰ Ki lasir dasiar ki Yennu Seyeen fiir n ni, ki n gbat kunkɔsaakar, ki li naan naatunn ki piak n poorpo, ¹¹ ki betin a n sob linba ki n laat na ki teen gboun ni, ki nakin tur Masiaweira nba be digbana ŋanlore na ni, binba be Efesus nan Simirna nan Pegamum nan Tiataira nan Saadis nan Filadelfia nan Laodisea na.

¹² Ki n ŋmant ki yaa n got wunba piak ki teenin na; maa ŋmant yoo nba, ki n la salima fitsenta

ɲanlore see. ¹³ Ki sɔɔ be li sinsuuk ni ki naan nisaarik Bik, ki lia liatfoouk ki li siit u taapant, ki salima gbann boob u nyaauk ni, ¹⁴ ki u yut peen nan gungunt na, ki u ninbina naan mupeenu, ¹⁵ ki u taapant nyirii nan kut nba ki bi tuu pur muu ni ki li nyirii bianjinba na, ki u kunkɔr fu nan siɔk kpenu nba tuu fu bianjinba na. ¹⁶ Ki u kub ɲmaabira ɲanlore u niidiitu, ki jukbanjiak nba di mɔleemii tant nyii u mɔb ni, ki u numm po yeen nan yonnu nba tuu yeen yonsuuk ni na. ¹⁷ Maa lau yoo nba, ki n baa dɔɔr u tɔɔnn nan kpeemmɔ na. Ki u jii u niidiitu ki yii n paak, ɲaan yet a “Daa tiin janmaanii; mine tee bont kur pinpiik nan li joontu; ¹⁸ ki bia tee footɔɔ na, ki din kpo, ɲaan mɔtana n fiira, ki sii fo mɔkmɔk nan mɔkmɔk, ki bia mɔk kuun nan kpeentiɲ paɲ; ¹⁹ li paak, a sɔb linba ki a la mɔtana na, nan linba be mɔtana, nan linba tan saa tun yoo nba waa. ²⁰ ɲmaabira ɲanlore nba ki a la n niidiitu ni, nan salima fitsenta ɲanlore na woonin ni paak tee nnae: ɲmaabira ɲanlore nae tee n weira nba be digbana ɲanlore na malakanba, ki fitsenta ɲanlore na mun tee n weira bujir munlore maɲ.”

2

Masia mɔmaan nba tee Efesus teeb yare na

¹ Ki wunba ki n lau na betin a n sɔb mɔmaan na ki tur u weira nba lakin be Efesus doo ni na malaka a:

“Labaar na nyii wunba dia ɲmaabira ɲanlore u niidiitu ni, ki bia somm salima fitsenta ɲanlore sinsuuk ni na boore. ² ɲɔɔe yet a: N mi i toona nba tee bianjinba, nan yaa

yabir ki tuun toonɲana nan sukuru bianɲinba, ki bia mi nan i ki loon nibiit i sinsuuk ni, li paake ki i din bikin binba tuu yaa bi tee n toomiinba ɲaan ki ki tee na, ki bann nan bi tee fai damme. ³ N mi nan i mɔk sukuru ki dii biak n paak, ɲaan i ki nyikimi. ⁴ ɲaan i biit tee nnae: i ji ki loonin nan yaa din sint loonin bianɲinba na. ⁵ Tiat man yaa din tuu be bianɲinba ɲaan ji tan lebit na. Nyikin i biit maɲ ɲaan kii tuun yaa poɲ tuu tuun bianɲinba sinsinn ki li ɲan na; li-i tee ki i kan nyik i toonbiiti, n saa baar i boor ki jii i fitsentir na li sinsetboor. ⁶ ɲaan yaa tuun linba ki li ɲane na: i ki loon toona nba ki Nikola teeb tuun na, nan n mɔɲ nba ki loon toona nba ki bi tuun na.

⁷ “Wunba mɔk tubir, wun gbiint linba ki Yennu Seyeen na yeen ki teen Masiaweira na. “Wunba nyann nyannu na, ɲɔɔe ki n saa turo sonu ki wun di manfoor tilɔɔna nba be Yennu boor, siaminba ki bi yir Paradais* na.”

Masia mɔmaan nba tee Simirna teeb yare na

⁸ Ki wunba ki n lau na bia betin a n sob mɔmaan na ki tur u weira nba lakin be Simirna doo ni na malaka a:

“Labaar na nyii wunba tee bont kura pinpiik nan li joontu na boore; ɲɔɔe din kpo ki tan bia fiir kuun ni na. ⁹ ɲɔɔe yet a: N mi i biak dinu po, ki bia mi nan i tee nandamme, ɲaan mamɔmm, Yennu boor, i tee mɔkitae; ki n mi nan nisiab piak ki biir i sana, ki bia yaa bi tee Juu teebe, ɲaan ki ki tee; bi tee Sintaanii niibe.

* **2:7** 2.7 Yendouɲ sanleere tee Paradais.

¹⁰ I daa tiin janmaanii nan biak nba baat i paak na. Gotir man, Sintaanii saa te bin soor i siab ki koomm dansarik ki bikimm, i bia tan saa di biak ki saa dian daa piik; njaan ii teenin yada mɔkmɔk nan i kuun, ki n tan saa pi-i piinii nba tee manfoor.

¹¹ “Wunba mɔk tubir, wun gbiint linba ki Yennu Seyeeŋ na yeen ki teen Masiaweira na.

“Wunba nyann nyannu maŋ, u kan la kuun nba pukin munlee na.”

Masia mɔmaan nba tee Pegamum teeb yare na

¹² Ki wunba ki n lau na bia betin a n sob mɔmaan na ki tur u weira nba lakin be Pegamum doo ni na malaka, ki yet a:

“Labaar na nyii wunba mɔk jukbanjiak nba di mɔleemii na boore. ¹³ Njooe yet a: N mi nan siaminba ki i be na tee siaminba ki Sintaanii naangbounj na be-e, ki n mi nan i set dia n sann. Baa din tan kp̄ii Antipas nba din tee n siara daano nan barmɔnii, i mɔŋ doo nba ki Sintaanii be na ni, li yoo maŋ gbaa ki i ki yêŋ n sonu. ¹⁴ Njaan mamɔmm, i mɔk biit ŋanlee nnae, ki n yaa n wann: siab be i sinsuuk ni ki dia Balam sennu; njooe din wann Balak waa saa teen bianj̄nba ki te ki Israel teeb n tun biit na. U din te ki bi ŋman tingbann nant, ki bia te ki bi chomm nan leeb.† ¹⁵ Li mun bia tee nnae i sinsuuk ni, ki i siab mun waa Nikola teeb maŋ wannu. ¹⁶ Li paak, ii nyik i toonbiit maŋ; li-i kii tee nnai kaa, n saa baar mɔtana

† **2:14** 2.14 Bi din ŋman Moab tingbann nant, ki chomm nan Moab poob.

nan jukbanjiak nba tantir ki nyi n mob ni na, ki kon biir li nibooru.

¹⁷ “Wunba mok tubir, wun gbiint linba ki Yennu Seyeen na yeen ki teen Masiaweira na.

“Wunba nyann nyannu na, nɔɔe ki n saa turo jeet nba be woonin ni ki bi yi mana na, ki wun di, ki n bia saa turo tanpeenn nba ki sanpaann sob li paak, ki soɔ ki mir, see fin nba gaar na kuukoo.”

Masia mɔmaan nba tee Tiataira teeb yare na

¹⁸ Ki wunba ki n lau na bia betin a n sob mɔmaan na, ki tur u weira nba lakin be Tiataira doo ni na malaka a:

“Labaar na nyii Yennu Bija nba ki u ninbina naan mupeenu, ki u taapant bia nyirii nan baa tuu nyirik kutmont bianjinba na boore. ¹⁹ Nɔɔe yet a: N mi i binben nba tee bianjinba, ki bia mi i lomm, nan i yada teenu, nan i toona, nan yaa mok mintir bianjinba, ki bia mi nan i toonjana tumu pukii ki gar i sinsinn toona nawa. ²⁰ Naan i biit tee nnae: yaa sak poo nba ki bi yiu Jesebel, ki u yaa u tee Yennu sokiniie, ki ji taan be i boor ki kpann n toontunna, ki wantib a bii chomm nan leeb kii biaki di pata jeet na. ²¹ N turo yoo a wun lebit u binben, naan ki u ki sak wun nyik u chonchonsin na. ²² Li paak, n saa jiu ki lu-u biak gado paak, nan binba tuu lakin chomm nana na kur; li-i kii tee ki bi nyik biit nba ki bi lakin tuun nana na, n saa koomm biak gbenjir ni, ²³ ki kpi u weira na kur; ki n weira na saa bann nan mine tee wunba mi niib dudukit nan bi loomm nba tee

bianjinba, ki saa tur soo kur u toona nyoot nba tee bianjinba.

²⁴ “Yimm nba biar Tiataira ki ki waa poo man wannbiiuk, ki bia ki waa linba ki siab yir Sintaanii woonin ni labaar na, n yeen yimme a n kan jinni jik-kpiata. ²⁵ Ii dia man linba ki i mok na fanu, mokmok nan yoo nba ki n tan saa baar.

²⁶⁻²⁷ Wunba nyann nyannu na, ki tuun n loomm ki ki nyiki, n saa turɔ pan nba ki n gaar n Baa boor na booru, ki wuu mok tingbouŋ na nibooru kur yiikoo, ki sii diab nan pan, ki saa fit biirib nan faa tuu dia kut patu ki faa boba yee bianjinba na. ²⁸ N bia saa tur li yoo sanyafaar nmaabir na.

²⁹ “Wunba mok tubir, wun gbiint linba ki Yennu Seyeen na yeen ki teen Masiaweira na.”

3

Masia mɔmaan nba tee Saadis teeb yare na

¹ Ki wunba ki n lau na bia betin a n sob mɔmaan na ki tur u weira nba lakin be Saadis doo ni na malaka a:

“Labaar na nyii wunba mok Yennu Sei njanlore nan nmaabira njanlore na boore. Njoo yet a: N mi i toona nba tee bianjinba, ki bia mi nan niib dukii a i fo, njan i ki fo.

² Li paak, fiit man ki yabir ki i binberj nba biar na daa kpenn gbenti, kimaan toona nba ki i tuun na ki gboot Yennu nummi. ³ Li paak, ii tian man wannu nba ki i din gbat ki waa na. Ii diar man njan nyik i toonbiit na tumu, njan li-i tee ki i ki fiir, n saa baar i boor nan nanyuko nba tuu baar bianjinba nae, ki i kan bann n

baaru yoo. ⁴ Njaan i siab be Saadis ki bi para ki mɔk jakinti. Namme saa lia tapeenii, ki min nan njamm sii tɔk, kimaan baa jan nann na paak. ⁵ Wunba nyann nyannu na, u tan saa lia tapeenii na, ki n tan kan kpeen u sann binba mɔk manfopaann na gbouŋ na ni. Ki n tan saa yet n Baa nan u malakanba na paanu ni a li daanɔ tee n yooe.

⁶ “Wunba mɔk tubir, wun gbiint linba ki Yennu Seyeen na yeen ki teen Masiaweira na.”

Masia mɔmaan nba tee Filadelfia teeb yare na

⁷ Ki wunba ki n lau na bia betin a n sob mɔmaan na ki tur u weira nba lakin be Filadelfia doo ni na malaka a:

“Labaar na nyii wunba tee Popeendaanɔ, ki bia tee Barmɔnii daanɔ na boore; ki u dia Defid peenu* na, ki li-i tee ki u loot gann, soɔ kan fit looni; ki wuu biaki loon, soɔ kan fit looti. ⁸ Nɔɔe yet a: N mi i toona nba tee bianjinba. Gotir, n loot ganne ki turi, ki soɔ kan fit looni. N mi nan paŋ nba ki i mɔk na waar, njaan linba na kura, i bia lek dia n wannu na, ki ki nɔi nan i ki mimi. ⁹ Nnara, binba tee Sintaanii niib, fai damm nba yaa bi tee Juu teeb njaan ki ki tee na, n saa te ki bin baar ki baa fabin i tɔɔnn, ki bann nan n set looni. ¹⁰ Kimaan yaa sak n maan ki mɔk mintir na paak, n saa dia-i bonŋann ki i tan kan kɔɔ bonbiir nba baat durinya na kur paak a lin bikin tingbouŋ na niib na ni. ¹¹ N baate motana. Ii dia man linba ki i mɔk na fanu, ki soɔ tan daa fiar i nyoot maŋi. ¹² Wunba nyann nyannu na, n

* **3:7** 3.7 Defid peenu paak tee “u yiikoo.”

saa teeno Yennu diiuk ni jaantarike, ki u ji kan nyi lenji. Ki n bia saa sob Yennu sann u paak, ki sob Yennu doo sann u paak, ki bia sob n moŋ sanpaann na u paak. Yennu doo mane tee Jerusalem paann nba saa nyi Yendouŋ ni, Yennu boor, ki sik tiŋ na ni na.

¹³ “Wunba mok tubir, wun ghiint linba ki Yennu Seyeen na yeen ki teen Masiaweira na.”

Masia moŋmaan nba tee Laodisea teeb yare na

¹⁴ Ki wunba ki n lau na bia betin a n sob moŋmaan na ki tur u weira nba lakin be Laodisea doo ni na malaka a:

“Labaar na nyii wunba sann tee Moŋnii na boore; ki u tee siara daano nba tee barmoŋnii daano ki tee siara fanu; ki bia tee linba kur ki Yennu nan na yudaano. ¹⁵ Nooe yet a: N mi i toona nba tee bianinba; i ki toni, i bia ki mei, ŋaan n bo loon ki yii tee li yenne; ¹⁶ ŋaan yaa ki ton ki bia ki mei na, n saa siirie pia teriku.

¹⁷ “Yimme yeen a i tee mokitae ki mok linba kur ki i loon, ki siar kan potiini, ŋaan ki ki mi yaa mok parbiir nan ninbaauk bianinba. I tee nandamme, ki somm yana, ki tee joonii.

¹⁸ Li paak, n kpaaniie a ii daa salima nba tee salimmona n boor ki set la mokint, ki bia daa tapeenii ki dokin i fei na, ki bia daa kpan ki ban i ninbina kii laat. ¹⁹ Binba kur ki n loonib na, n kpaamme ki daar bi tuba. Li paak, nyikin man i toonbiit ki daa jerimi. ²⁰ Nnara, n see tammob ni ki kpaan gann; wunba gbat n kunkor ki loot gann man, n saa koo u boor, ki min nan noo saa lakin di. ²¹ Wunba nyann nyannu na, n saa turo yaak ki wun tan lakin kar nanin, n

naangboun na paak, nan maa nyann nyannu kur ki lakin kar nan n Baa Yennu, u naangboun paak bianjinba na.

²² “Wunba mək tubir, wun gbiint linba ki Yennu Seyeen na yeen ki teen Masiaweira na.”

4

Baa jiantir Yennu bianjinba Yendoun ni

¹ Li poorpo ki n bia la Yendoun gann loot, ki n gbat kunkor nba ki n mi gbat na, ki li bia piak ki teenin, ki naan naatunn nba tuu mɔ bianjinba na; ki kunkor man betin a, “Domin nna, ki n saa wanna linba na poorpo linba saa tun.” ² Li taakpaak ni, ki Yennu Seyeen na fir n ni, ki n la ki sɔɔ kar naangboun paak Yendoun ni, ³ ki u numm po nyirii nan tanbinyinyira nba daauk paar ki bi yir jaspera nan kaneliann* na, ki naatoruk bɔɔn ki lint naangboun na, ki naatoruk man tee nan bonbonwuwur na. ⁴ Ki naangbant piinlee nan nanna dɔɔ lint naangboun man. Ki saakab piinlee nan banna lia tapeenii ki yir salima fokirii, ki kar naangbant piinlee nan nanna man paak. ⁵ Ki sanyikintii nyi naangboun man ni nan fuut nan satianii. Ki fita njanlore lakin di naangboun na tɔɔnn, nanne tee Yennu Sei njanlore na. ⁶ Ki siar naan məkgeber ki dɔɔ naangboun na tɔɔnn ki nyirii nan mianu na.

Ki bonfoa banna be lej ki lint naangboun na, ki mək ninbina bonchiann bi numm po nan bi poorpo kur. ⁷ Ki sinsinn bonfoor na naan yanbor,

* **4:3** 4.3 Jaspera tee bonbonwuwure, ki kaneliann tee bonmunj.

ki wunba waa banlee na mun naan naajak, ki wunba waa bantaa na numm po naan nisaarik numm po, ki wunba waa banna na mun naan baakir nba yukir. ⁸ Ki bonfoa banna na kur mək kpinkpant ŋanloob-loob, ki bia mək ninbina bonchiann bi gbanant kur po. Ki yonnu nan nyiok kur bi ki nyikit yanii yinu. Bi yiin a,
 “Kasii, kasii kasiie tee ti Yomdaano Yennu,
 wunba mək paŋ kura, ki din be, ki bia daa
 be,

ki bia tan sii be mək mək nan mək mək.”

⁹ Bonfoa banna na-i taŋi teen wunba kar naangbouŋ na paak ki be mək mək nan mək mək na niipoouk nan dontir nan paku, ¹⁰ li yooe ki saakab piinlee nan banna na tuu baa fabin wunba kar naangbouŋ maŋ paak na tɔɔnn, ki pukii ŋɔɔ nba be mək mək nan mək mək na. Bi bia tuu yit bi fokirii nae ki bir naangbouŋ na tɔɔnn ŋaan yeen a,

¹¹ “Ti Yomdaano Yennu, li jaŋ nan tin jianta,
 ki tura baakir nan pakuwa,
 kimaan fine din nan bont kura.
 A loomm paake ki a naamii maŋ kur be,
 ki mək manfoor.”

5

Ki jiin gbanpɔɔbir nan Pegann na po

¹ Nanne ki n bia la wunba kar naangbouŋ paak na dia gbanpɔɔbir u niidiitu, ki gbouŋ maŋ mək sobnii li numm po nan li poor po, ki bi jii tiik yiit ki tabin li mɔi ŋanlore na. ² Ki n la malaka nba mək paŋ, ki u mɔontir nan kunkɔsaakar a
 “Nmee jaŋ nan wun tabit gbanpɔɔbir na yiit ki

pöbitiri?” ³ Naan ki söo kaa Yendouŋ ni, koo tingbouŋ na ni, koo kpeentiŋ, ki jaŋ nan wun pöbit gbanpöobir na, ki got li nöök ni. ⁴ Ki n bui bonchiann, kimaan söo nba kaa ki jaŋ nan wun pöbit gbanpöobir na, ki got li nöök ni na. ⁵ Nanne ki saakab na yeno yetin a n daa bui, a n got wunba nyii Juda maaru ni, ki u sann tee Juda Yanbör na, wunba tee Defid Yaaboonjaann ki nyann bonsiar kur na, ɲöoe saa fit tabit yiit ɲanlore na ki pöbit gbanpöobir maŋ.

⁶ Ki n la Pegann ki u see naangbouŋ na boor, ki bonfoa banna nan saakab na see ki lintö; ki Pegann na tee nan Pegann nba ki bi kpüü ɲaan ki u fiir kuun ni na, ki mök yina ɲanlore, ki bia mök ninbina ɲanlore nba tee Yennu Sei ɲanlore nba ki u tumm tingbouŋ na kur ni na. ⁷ Ki Pegann na saan gaar gbanpöobir na, daano nba kar naangbouŋ paak na niidiitu ni. ⁸ Waa gaar gbanpöobir na yoo nba, ki bonfoa banna, nan saakab piinlee nan banna na baa fabin u töönn, ki saakab na kur dia bai nan salima senii, ki bonnunubit nba see Yennu niib miaru taar ni na gbee senii na. ⁹ Ki bi yiin yanpaan ki teen Pegann na ki yeen a:

“A set jaŋ nan fan gaar gbanpöobir na
 ki tabit li yiit ɲanlore nawa,
 kimaan a din kpoe ki jii a söŋ
 ki daa niib ki tur Yennu;
 niib maŋ nyii booru kur ni,
 nan mabooru kur ni, nan maaru kur ni,
 nan tingbouŋ na yent kur nie.

¹⁰ A bia te ki bi tee a naan ni niib nba tee mannteeb,

a bin tun Yennu toona;
ki bi sii yen tingbouŋ na teeb.”

¹¹ Li poorpo biak ki n got la malakanba tusaa tusaa tusaa, ki bia gbat bi kunkɔra, ki bi ŋaa lint bonfoa banna nan saakab nan naangbouŋ na. ¹² Ki n gbat ki bi yeen nan kunkɔsaakar a: “Pegann nba ki bi din kpiiu ki u fir na, ŋɔɔe jaŋ nan wun gaar paŋ nan mɔkint nan yan nan nyannu nan baakir nan dontir nan paku.”

¹³ Ki linba kur Yennu din nan, ki li be sanpaapo, nan tingbouŋ na ni, nan kpeentiŋ, nan linba be mɔkgbeŋa ni na, n gbat bi kur yeen a, “Paku nan baakir nan dontir nan paŋ kur-ii be wunba kar naangbouŋ na paak nan Pegann na paak mɔkmɔk nan mɔkmɔk.”

¹⁴ Ki bonfoa banna na sak ki yet a “Mamɔmm.” Ki saakab na kur baa fabin Yennu nan Pegann na tɔɔnn ki jiantib.

6

Ki jiin yiit na po

¹ Li poorpo ki n la Pegann na tabit yiit ŋanlore na yenn, ki n gbat bonfoa banna na yeno kunkɔr, ki li tee nan satianii na ki yiin a “Baat.” ² Ki n got ki la taanpeen, ki wunba jakɔ na dia tadaauk, ki bi turo naan fokirik, ki u nyii, ki tee paŋ daano, a wun kon nyann bonsiar kur.

³ Ki Pegann na bia tabit yiit nba pukin ŋanlee na, ki n gbat bonfoor nba pukin banlee na kunkɔr, ki u yiin a “Baat.” ⁴ Nanne ki n la

taanmɔŋ nyii ki set, ki bi tur wunba jakɔ na yaak, a wun nyinn parmaasir tingboun na ni, ki te ki niib-ii kpi bi leeb; ki bi bia kubino jukbanjagbenjir.

⁵ Ki Pegann maŋ bia tabit yiit nba pukin ŋantaa na, ki n bia gbat ki bonfoor nba pukin bantaa na yiin a “Baat.” Ki n bia la ki taanbɔŋ see leŋ, ki wunba jakɔ na dia linba ki bi bikii bona na u nuu ni. ⁶ Ki n gbat fuut, ki li tee nan kunkɔr na, ki nyii bonfoa banna na ni, ki yeen a, “Boroboro dii ŋmanbaŋ tee daar paauko, ki karwanta ŋmanbaŋ muntaa mun tee daar paauk; a ŋaan daa te ki kpan tiinii nan daan tiinii na namii.”

⁷ Ki Pegann na tabit yiit nba pukin ŋanna na; ki n gbat kunkɔr nyii bonfoor nba pukin banna na boor, ki yiin a “Baat.” ⁸ Nanne ki n la taanpeenwuwur, ki wunba jakɔ na sann tee Kuun; ki kpeentiŋ mun waa u poor; ki Yennu turib yiikoo a bin kpi tingboun na niib bɔkitu munna yenn, a bin kpib tɔbii ni nan kon nan yiarii, ki bia te tingboun na bonkobibiit n kpib.

⁹ Ki Pegann na bia tabit yiit nba pukin ŋanŋmu na, ki n la binba ki niib din kpiib kimaan baa din dia Yennu maan, nan barnanii nba ki bi din mok na paak, ki bi be binbintir na nyakir ni, ¹⁰ ki yikin sanpaapo ki yeen a, “Ti Yomdaano Yennu, fin nba tee popeendaano ki bia tee barmonii daano, li saa yukir nleewa ki a tan bu tingboun na niib buut ki dat bi tuba, baa kpiit na paaki?” ¹¹ Nanne ki bi tur bi kur liatfopeenii, ŋaan yetib a “Ii foi waan kii guu yoo nba ki bi tan saa kpi

i toontunleeb nan i naa waas ki gbenn, nan baa din kprii-i bianjinba na.”

¹² Ki n la Pegann na tabit yiit nba pukin njanloob na; ki tin jek bonchiann, ki yonnu bonn chimm, ki nmaarik mun monn nan son na. ¹³ Ki nmaabira nyii sanpaapo ki baa tin ni, nan wouj nba tuu nik kinkan, ki u loona n baa bianjinba na. ¹⁴ Ki sanpaak pɔbin pɔbin nan gbanpɔɔbir na ki bot, ki kunkona nan gbingbana kur chat chat siaminba ki li tuu be na. ¹⁵ Njanne ki tingbouj na kpanbara, nan nijaana, nan lanjimanba yudamm, nan nitarinyika, nan pandamm, nan soɔ kur, binba tee daaba, nan binba yen bi moj, ki bi kur chiar ki koɔ tanfiat nan wontii, joɔt ni, ¹⁶ ki yeen a jɔfokit nan tana na n baa bi paak, ki wunba kar naangbouj paak na daa laatib, ki tin nyi Pegann na wutoor ni, ¹⁷ kimaan wunba kar naangbouj paak na nan Pegann na wutoor dagbenjir daar manj baara, ki soɔ kaa ki saa set bi wutoor manj toɔnni.

7

Ki jiin Israel teeb po

¹ Li poorpo ki n la malakanba banna, ki bi see tingbouj na loka njanna na ni, ki dia wouj nba nyi loka kur po na, a li daa da tin na paak, koo moƔgbenja ni, koo tisiak paaki. ² Li yoo ki n la malakaganɔ, ki u nyii yondopo, ki dia dɔk nba tee manfodaanɔ Yennu yar na; ki u yikin nan kunkɔsaakar, ki yeen malakanba banna nba ki Yennu turib yaak a bin biir tin nan moƔgbenja na, ³ a bi daa biir tingbouj na, nan moƔgbenja na,

nan tiinii na, see ki bi tan dɔk Yennu toontunna bi yugbia paak sinsinna. ⁴⁻⁸ Ki n gbat binba ki bi dɔkib Yennu dɔk na kann, ki li tee niib tuskobik nan tusaa piinna nan tusaa ŋanna, ki bi nyii Israel booru kur ni.

Niib tusaa piik nan ŋanlee-e nyii Juda booru ni,
 ki niib tusaa piik nan ŋanlee nyii Rubenn booru ni,
 ki niib tusaa piik nan ŋanlee nyii Gaad booru ni,
 ki niib tusaa piik nan ŋanlee nyii Aser booru ni,
 ki niib tusaa piik nan ŋanlee nyii Naftali booru ni,
 ki niib tusaa piik nan ŋanlee nyii Manase booru ni,
 ki niib tusaa piik nan ŋanlee nyii Simeonn booru ni,
 ki niib tusaa piik nan ŋanlee nyii Liifai booru ni,
 ki niib tusaa piik nan ŋanlee nyii Isakar booru ni,
 ki niib tusaa piik nan ŋanlee nyii Sebulunn booru ni,
 ki niib tusaa piik nan ŋanlee nyii Joosef booru ni,
 ki niib tusaa piik nan ŋanlee mun nyii Benjaminn booru ni.

Ki j̄in nibur nba din lakin na po

⁹ Li poorpoe ki n la nibur ki bi kaa kann, ki nyii tingboun na yent kur ni, nan nibooru kur ni, nan maaru kur ni, nan mabooru kur ni, ki

lia liatfopeenii, ki see naangboun nan Pegann na tɔɔnn, ki dia biabfaat bi nii ni, ki yikin nan kunkɔsaakara ki yeen a, ¹⁰ “Tinnu nyi ti Yomdaano Yennu nba kar naangboun paak nan Pegann na boore.” ¹¹ Ki malakanba na kur set ki lint naangboun na, nan saakab na, nan bonfoa banna na, ki baa finfaba naangboun na tɔɔnn, ki jiantir Yennu, ¹² ki yeen a, “Mamɔmm, paku nan dontir nan yan nan niipoturu nan baakir nan paɲ nan yiikoo tee Yennu yare mɔkmɔk nan mɔkmɔk. Mamɔmm.”

¹³ Ki saakab na yeno boin a “Ki binba lia liatfopeenii na tee lamme, bi nyii lee?” ¹⁴ Ki n jiin a, “Chanbaa, fine mi, ŋaan min ki mi.”

Ki u yetin a, “Niib na nyii biakgbenɲir na nie, ki wuur bi liatfokit Pegann na sɔn ni, ki li ji peen, ¹⁵ li paake ki bi see Yennu naangboun na tɔɔnn, ki tuun teenɔ, yonnu nan nyiɔk, u jiantu diiuk na ni, ki ŋɔɔ Yennu nba kar naangboun na paak na sii be namm, ki u maasu sii dɔɔk bi paak; ¹⁶ ki kon koo nyunnyukuru kan mi soorib, ki yonnu tonu koo tongbensiar kan mi toɲ bi gbanu, ¹⁷ ki Pegann nba be naangboun tɔɔnn na sii guub, ki saan namm nyunbuur nba teen manfoor na boor, ki Yennu saa fiar bi ninnyuut kur.”

8

Ki jiin yiit nba pukin ŋanlore na po

¹ Pegann na nba tabit yiit nba pukin ŋanlore na yoo nba, ki Yendouɲ ni ŋmin surimm, ki yann waan. ² Li poorpoe ki n la malakanba banlore nba see Yennu tɔɔnn na gaar naatuna ŋanlore.

³ Ki n bia la malakagano ki u dia salima sen ki saan set binbintir na tɔɔnn. Ki Yennu turo bonnunubit bonchiann a wun pukin Yennu niib kur miaru na ni, ki jii paan salima binbintir nba see naangbouŋ tɔɔnn po na, ki tur Yennu.

⁴ Ki bonnunubit na munyuut nan Yennu niib na miaru nyii malaka nba see Yennu tɔɔnn na nii ni, ki do sanpaapo. ⁵ Ki malaka na jii salima sen na ki mɔɔr muu binbintir na paak, ki gbeen sen na, ki kpaar mɔɔn tingbouŋ na ni. Ki saak tian, ki fuut fu, ki sanyikintii nyikii, ki tinj damm.

Ki jii naatuna ŋanlore na po

⁶ Ki malakanba banlore nba dia naatuna ŋanlore na teen siir nan bin peb naatuna maŋ.

⁷ Sinsinn malaka na nba doŋ pebir u naatunn na, ki sakaana nan muu ŋmat nan sɔn ki mɔɔn tingbouŋ na ni, ki tingbouŋ na bɔkitu muntaa ni yenn, nan li tiinii nan li mɔmaasa kur dii muu.

⁸ Malaka nba pukin banlee na nba pebir u naatunn na, ki bi lu siar ki li naan jɔgbenjir ki di muu, ki tan baa tingbouŋ na mɔkgbeŋa kur ni, ki mɔkgbeŋa na bɔkitu muntaa ni yenn kpant sɔn, ⁹ ki linba be mɔkgbeŋa na ni bɔkitu muntaa ni yenn kpo kpo, ki ŋarint nba paa mɔkgbeŋa paak na, ki li bɔkitu muntaa ni yenn biir.

¹⁰ Malaka nba pukin bantaa na nba pebir u naatunn na, ki ŋmaabir gbenjir nba di ki naan muu na nyii sanpaapo, ki tan baa kpenii nan nyuntona nba be tingbouŋ na ni, li bɔkitu muntaa na yenn ni. ¹¹ (Ŋmaabir na sann din tee “Ton.”) Ki nyun na bɔkitu muntaa ni yenn ton; ki niib bonchiann nba nyuu nyun na kpo, kimaan

nyun na nba ton na paak. ¹² Malaka nba pukin banna na nba pebir u naatunn na, ki yonnu nan ηmaarik nan ηmaabira bɔkITU muntaa ni yenn bɔnn. Ki yonnu nan ηmaarik nan ηmaabira yentu na bɔkITU muntaa ni yenn bɔnn. Ki yentu nba tuu yeen yonnu ni na bɔkITU muntaa ni yenn ji ki yeeni, ki ηmaarik nan ηmaabira na mun ji ki yeeni, ki nyiɔk bɔnnu mun bɔkit li bian ki bɔnn nna. ¹³ Li yooe ki n la kanbagbenjir yuuk sanpagbant ni, ki yikin nan kunkɔsaakar a “Parbiir, parbiir, parbiir, malakanba bantaa nba biar na-i tanj pebir bi naatuna na, parbiir sii be tingbounj na niib paak.”

9

¹ Ki malaka nba pukin banηmu na pebir u naatunn na, ki n la ki ηmaabir nyii sanpagbant ni, ki tan baa tingbounj na ni; ki bi turo bootuk nba sumii ki kaa terik na peenu. ² Ki ηmaabir na loot bootuk maη, ki munyuut nyii leη, ki tee nan musaakau munyuut na, ki li munyuut dɔkin yonnu, ki tingbounj na bɔnn. ³ Ki tɔorii nyii munyuut na ni ki sik tingbounj na ni, ki Yennu turib yaak nan nanii nba mɔk yaak tingbounj na ni bianinba na. ⁴ Ki Yennu yetib a bi daa biir mɔot nan titubira nan tiinii faat kaa, ηaan mukis niib nba ki mɔk Yennu dɔk bi yugbia paak na; ⁵ ki u turib mɔb a bi daa kpi niib maη, ηaan te bin di biak ki saa dian ηmaarii ηanηmu. Bi-i jun nirɔ, li tonu sii tee nan naη tonu nae. ⁶ Li yoo, li nibooru saa lon kuun ηaan kan la, bi bia tan sii loon bin kpo, ηaan kuun saa chiar ki nyikibe. ⁷ Tɔorii na tee nan taanii nba tuu teen siir nan

tob nae; ki yir linba naan salima naan fokirii, ki bi numm po naan nisaarii numm po, ⁸ ki bi yut tee nan poob yut na, ki bi nyana naan yanbora nyana. ⁹ Ki bi lia naagbankoŋa ki li naan kut, ki dook bi parbia, ki bi kpinkpant fu fuut nan tob taanii nba tuu teen siir ki daar torit, ki saa tob na. ¹⁰ Ki bi mək joa nba mək lobii ki li naan nanii yar, ki lobii maŋ mək paŋ ki saa mukis nisaarii, ki saa jaŋ ŋmaarii ŋanŋmu na. ¹¹ Ki malaka nba guu bootsunsuŋ maŋ tee bi bat, ki Hiibru maan ni bi yiu Abadonn, ki Griik maan ni bi mun yiu Apolionn. (Sann maŋ paak tee “Biirtoo.”)

¹² Sinsinn parbiir na gara, ŋaan parbiir munlee biar, ki waa.

Ki jiiŋ naatunn nba pukin ŋanloob na po

¹³ Ki malaka nba pukin banloob na pebir u naatunn, ki n gbat ki kunkor nyii salima binbintir nba see Yennu toonn na moŋbanjoontii ŋanna na ni, ¹⁴ ki kunkor na yet malaka nba pukin banloob ki dia naatunn na, a wun lot malakanba banna nba ki bi lorib məkir nba ki bi yir Yufrates ni na ki lub; ¹⁵ ki u lootib. Yennue din diab ki teemm siir ki guun daar nba ki bi saa kpi nisaarii bokitu muntaa ni yenn na. ¹⁶ Ki n gbat lanjimanba nba tee taanjakira na kann, ki li tee tusbamm kobii ŋanlee. ¹⁷ Ki n yirintu maŋ ni ki n la taanii nan bi jakira na, ki bi tee nna: ki taanjakira na lia naagbankoŋa nba dook bi parbia, ki li mon nan muu na, ki tee nan bonbonwuwura na, ki bia mon nan dukpan na; ki taanii na yura naan yanbora yura. Ki muu nan munyuut nan sarwuuta nyi bi moi ni.

18 Ki muu nan munyuut nan sarwuuta nba nyi taanii na mɔi ni na kp̄ii nisaarii bɔkitu muntaa ni yenn. 19 Taanii maŋ yiikoo be bi mɔi nan bi joa nie, ki bi joa na naan wai ki mɔk yura, ki bi dia junt niib. 20 Ki niib nba biar, ki bonbiir maŋ ki kpiib na, din ki nyik baa jiantir bi mɔŋ bonninnant nba na, nan narinbiit. Bi din jiantir chicherii, nan pata nba tee salimmɔna, nan salimpeena, nan kutmɔnt, nan tana, nan daat, linba ki nyɔi, ki bia ki gbia, ki bia ki sommi. 21 Niib maŋ bia ki nyik nikpinu, nan jabaa bunu, nan bonchonchonsin, nan nanyuk toona.

10

Ki j̄in malaka nan gbanpɔɔb-bik na po

1 Li yoo ki n bia la malakajaansɔɔ ki u nyii Yendɔuŋ ni ki siik, ki gbab sanpagboun nan chinchenn na, ki naatoruk bɔɔn lint u yur, ki u numm po naan yonnu, ki u taa naan jaantarii nba di muu. 2 Ki u dia gbanpɔɔb-bik u nuu ni, ki li pɔbita, ki u diitu taar tɔɔ mɔkgbenjir paak, ki u gaŋ taar mun see tiŋ ni; 3 ki u tian nan kunkɔsaakar nan yanbɔr nba tuu beet bianjinba na. Waa tian gbenn yoo nba, ki satianii ŋanlore mun tian ki j̄in. 4 Satianii maŋ poorpo ki n teen siir maa n sɔb waa pak linba, ŋaan gbat kunkɔsiar nyii Yendɔuŋ ni ki yet a n bɔr satianii ŋanlore nba yet maan nba na, ki lii be n ni, ki daa sɔbin.

5 Malaka nba ki n lau ki u see mɔkgbenjir paak nan tiŋ ni na donn u niidiitu sanpaapo, 6 ki por nan Yennu nba yɔɔ be mɔkmɔk nan mɔkmɔk

na, wunba din nan sanpaak nan tingbouŋ nan mɔkgbeŋa nan bona nba kur be li ni na, ki yet a li ji kan yukiri; ⁷ ki malaka nba pukin banlore na-i tanj pebir u naatunn na daar nba, Yennu tan saa jii woonin ni maan ki tun nann toonn, nan waa din yet ki tur u sɔkiniinba nba tee u toontunna bianjinba na.

⁸ Ki kunkɔr nba ki n gbat ki li nyii Yendouŋ ni ki pak turin na bia pakin, a man saan gaar gbanpɔɔb-bik nba pɔbit ki be malaka nba see mɔkgbeŋir nan tij ni na nuu ni.

⁹ Nanne ki n saan malaka na boor a man gaar gbanpɔɔb-bik maŋ, ki u chabin a n gaar ŋman; a li sii tone n nɔɔk ni, ŋaan n mɔb ni ŋarin li sii man nan siat nae.

¹⁰ Nanne ki n gaar gbanpɔɔb-bik maŋ ki ŋman, ki li man nan siat na n mɔb ni, ŋaan laa sik n poor ni, ki li ji ton. ¹¹ Nanne ki bi betin a “Li kpaa talas nan fan ŋamm sɔkin Yennu maan ki tur nibooru bonchiann, nan tingbouŋ na yent bonchiann, nan mabooru bonchiann, nan kpanbara bonchiann.”

11

Ki jiiŋ siara damm banlee po

¹ Nanne ki sɔɔ turin dabikinkar ki yetin a “Fiit ki saan bikin Yennu diiuk nan li binbintir, ki bia kan binba jiantir Yennu lej maŋ; ² ŋaan daa bikii li dindounjouku, kimaan n jii ŋanne ki tur binba ki tee Juu teeb na, ki bi tan saa yent Yennu doo na ŋmaarii piinna nan ŋanlee; ³ ŋaan n tan saa te ki n siaradamm banlee n lia bɔtoliant, ki n saa turib yiikoo ki bi sɔkint n maan ki teen niib,

ki saa jaŋ daa tusir nan kobiinlee nan piinloob maŋ.”

⁴ Siara damm banlee nae tee Olif kpan tiinii ŋanlee nan fita ŋanlee nba see Yennu tɔɔnn; ŋɔɔe yen tingboun na. ⁵ Ki sɔɔ-i taŋi loon wun turib daŋ, muu saa nyi bi mɔi ni ki di bi dataak maŋ; ki wunba kur loon wun turib daŋ, nnae ki bi saa teenɔ wun kpo. ⁶ Bi bia mɔk yiikoo ki saa soor saak, ki saak kan baa yoo nba ki bi mɔɔntir Yennu maan na, ki bia mɔk yiikoo ki saa te ki nyun n kpant sɔn, ki bia saa fit te ki biak bonchiann n baar tingboun na ni, yoo nba kur ki bi loon.

⁷ Yoo nba ki bi tan saa gbenn bi siara toona na, bonkob-siɔk nba be bootsunsun nba kaa terik ni na saa nyi ki tookib nan tɔb, ki nyannib ki kpib. ⁸ Ki bi gbanant tan sii dɔɔ dogbenjir na sonjouk ni, siaminba ki bi din kpaa bi Yomdaano dapunpunn paak na. Yennu pur doo maŋ Sodom, koo Ijpt-e. ⁹ Ki niib nba nyii maaru kur ni, nan booru kur ni, nan mabooru kur ni, nan tingboun na yent kur ni, tan saa tikir ki got bi gbanant damuna ŋantaa nan bonjinn, ki kan chab ki bin pii gbanant maŋi. ¹⁰ Tingboun na niib sii mɔk parpeenn bonchiann niib banlee na kuun paak, ki bi saa jerin ki pi bi leeb piinii, kimaan bia, sɔkiniinba banlee na te ki tingboun na niib dii biak bonchiann. ¹¹ Ki daa ŋantaa nan bonjinn na nba gar, ki foon nba teen manfoor na nyii Yennu boor ki baar kɔɔb, ki bi manfoor jen, ki bi fiir set; ki jaŋmaanii soor binba lab na bonchiann. ¹² Li yoo na ki sɔkiniinba banlee na gbat kunkɔsiar nyii sanpaapo ki yetib a “Domin nna na.” Li yooe

ki bi koo sanpagboun ni ki doo Yendoun ni, ki bi datai na see ki gorii. ¹³ Li taakpaak ni ki tinj damm, ki dogbenjir manj bokitu piik ni yenn biir, ki niib tusaa njanlore kpo tinj manj dammu ni, ki janmaanii soor binba biar na, ki bi dont Yennu nba be Yendoun ni na sann.

¹⁴ Gotir man, parbiir nba pukin munlee na gara, njan parbiir nba pukin muntaa na saa baar motana.

Ki jiin naatunn nba pukin njanlore na po

¹⁵ Li yoo ki malaka nba pukin banlore na pebir u naatunn, ki kunkosaakara yeen Yendoun ni a “Tingboun na naan kur kpant ti Yomdaano Yennu nan u Niganntoo Masia yara, ki u saa diab mokmok nan mokmok.” ¹⁶ Ki saakab piinlee nan banna nba kar bi naangbant paak Yennu tooon na baa finfaba ki ji jiantir Yennu, ¹⁷ ki yeen a

“Ti Yomdaano Yennu, fin nba mok panj kur,
ki din yoo be, ki bia daa be na, ti teena niipoouk,

kimaan a jii ki pangbenjir ki dii tingboun na naan.

¹⁸ Binba ki waa-a nae donn wutoor,
ki a wutoor mun doo.

Ki yoo baar nan ki a bu binba kpo na buut,
ki pa a toontunna nba tee a sokiniinba na,
nan a niib kura nba jiantira na,
binba tee nijaana nan tarii kur.

Ki yoo bia baar nan ki a biir binba biir tingboun na na.”

¹⁹ Nanne ki Yenjiantu diiuk nba be Yendoun ni na loot, ki n la lakir nba ki Yennu sennu be li ni

na, diiuk maŋ ni. Ki sanyikintii nyikintir, ki sationii tian nan fuut, ki tinj damm, ki sakaangbeŋa bonchiann baa.

12

Ki jiin poo nan waakperbiiuk po

¹ Li poorpo ki nyingbenjir dokit sanpaapo; ki poosoo gbab yonnu nan chinchenn na, ki see ŋmaarik paak, ki ŋmaabira piik nan ŋanlee bia be u yur paak ki tee naan fokirik; ² ki poo maŋ mək poor, ki bui matyiaru.

³ Nanne ki nyinleer bia dokit sanpaapo; ki waakperbiiuk nba tee bonmuŋ see ki mək yura ŋanlore nan yina piik; ki naanfokirii ŋanlore yir u yura ŋanlore na paak. ⁴ Ki u jii u joor ki dat ŋmaabira bokitu ŋantaa ni yenn, ki nyinnir sanpaapo, ki lu tingbouŋ na ni, ŋaan ji see poo nba mo matyiaru na tɔɔnn, ki guu wun mar gbenna, ki wun ŋman sanpantik na. ⁵ Ki poo maŋ tan mar bonjak, wunba yaa wun tan dia nibooru kur nan paŋ na; ki bi nyiar bik na ki saan nano Yennu boor, ŋoo Yennu naangbouŋ paak. ⁶ Ki poo na mun chier ki saan muuk ni, siaminba ki Yennu teen siir ki guuno, ki sii dinto ki saa dian daa tusir nan kobiinlee nan piinloob na.

⁷ Nanne ki tob fiir Yendouŋ ni. Ki malaka nba ki u sann tee Makel, ki ŋoo nan u malakaleeb kon ki tookit waakperbiiuk nan u mun yaa malakanba na; ⁸ ki bi nyann waakperbiiuk nan u malakanba na, ki ki chabib a bii be Yendouŋ ni; ⁹ ki bi nyinn waakperbiiuk na; u poŋ tuu tee waauk nba be-ewa, ki u sann tee Sanbiirtoo koo

Sintaanii, ki tuu kpann tingboun na teeb kur na. Ki bi nyinn ηoo nan u malakanba ki lub tingboun na ni.

¹⁰ Li yoo ki n gbat kunkosaakar Yendoun ni, ki li yeen a “Motana, ti Yomdaano Yennu tinnu, nan u paŋ, nan u naan, nan u Niganntoo Masia yiikoo baara, kimaan bia? Bi nyinn Sintaanii na Yendoun niwa; ηoo Sintaaniiie tee wunba tuu biir Masiaweira, Yennu boor, yoo kur na; ¹¹ Pegann na son nan u barŋanii nba ki bi moontir nae te ki bi nyann Sintaanii; ki bi ki tiin bi manfoa nyinu ki sak nan kuum-i baarib, bi saa gaara. ¹² Li paak, yimm nba be Yendoun ni na, ii mok parpeenn maŋ. Naan tingboun na niib nan binba be mokgbenja ni na ŋarin, parbiir be bi paak, kimaan Sintaanii sik bi paak nan wutogbenjire, waa mi nan u yoo ji ki yab na paak.”

¹³ Waakperbiiuk na nba la nan bi jiiu ki lu tingboun na ni na, ki u ji waa poo nba mar bonjak na, a wun sooro. ¹⁴ Ki Yennu jii kanbagbenjir kpinkpant ŋanlee ki tur poo na, a wun yukir ŋaan nyik waakperbiiuk na, ki saan muuk ni kii sakii be siaminba ki bi sii dinto bina ŋantaa nan bonjinn. ¹⁵ Ki waakperbiiuk na puut nyunpana poo na paak nan mokir ni nyun na, a nyun na n diu; ¹⁶ ŋaan ki tinj somm poo na, ki yaat ŋaan jiiin mubin nyun nba nyii waakperbiiuk mob ni na paak. ¹⁷ Ki waakperbiiuk na wutoor doo nan poo na bonchiann, ki u saan a wun saa kon nan poo na waas nan u yaaboona nba be ki waa Yennu sennu ki dia Yiisa barŋanii na, ¹⁸ ki saan see mokgbenjir kpinj.

13

Ki jiin muuk ni bonkobit banlee po

¹ Ki n la ki muuk ni bonkobuk nyii mɔkgbenjir ni, ki mɔk yina piik nan yura ŋanlore, ki naanfokirii piik yir u yina piik na paak; ki sana nba sukii Yennu na sɔb u yura na paak. ² Ki muuk ni bonkobuk nba ki n la na naan naamuuk, ki mɔk taanyargbeŋa, ki u mɔb naan yanbɔr mɔb. Ki waakperbiiuk na tur muuk ni bonkobuk na u mɔŋ paŋ, nan u naangboun, nan u yiikoo nba yab. ³ Ki n la muuk ni bonkobuk na yuyenn ki li naan bi chɔɔ pate na, ŋaan ki li lek buura; ki li bakit tingboun na teeb kur, ki bi ji waau. ⁴ Ki niib ji jiantir waakperbiiuk na, kimaan waa jii u paŋ ki tur muuk ni bonkobuk na paak. Ki niib na bia jiantir muuk ni bonkobuk na ki yeen a “Ŋmee paŋe tee nan muuk ni bonkobuk na paŋ na? Ki ŋmee saa fit kɔn nan muuk ni bonkobuk maŋi?”

⁵ Ki Yennu chab muuk ni bonkobuk na yaak ki u piak nan karinbaanii ki sukii ŋɔɔ Yennu. Yennu bia chabɔ yiikoo ki saa dian ŋmaarii piinna nan ŋanlee. ⁶ Ki u piin ki piak sukii Yennu, nan u sann, nan siaminba ki u be na, nan binba kur be Yendoun ni maŋ. ⁷ Ki u bia chabɔ yaak a wun kɔn nan ŋɔɔ Yennu niib ki nyannib, ki bia chabɔ yiikoo ki u saa yent maaru kur, nan nibooru kur, nan mabooru kur, nan tingboun na yent kur nba be. ⁸ Niib kur nba be tingboun na ni, ki bi sana ki sɔb binba mɔk manfopaann na gboun ni, yoo nba ki durinya daa din kaa na, bi

saa jiant muuk ni bonkobuk na. Manfoor gboun na tee Pegann nba ki bi din kpiiu na yare.

⁹ Li paak, wunba mək tubir, wun gbiint.

¹⁰ Wunba ki Yennu senn nan u sii tee daabir, u set sii tee daabire. Ki wunba dia jukbanjiak ki kpi u leeb, bi mun bia tan saa jii jukbanjiake ki kpiu.* Li paak, li njan ki Yennu niib-ii mək mintir ki teeno yada fanu.

¹¹ Li poorpo ki n bia la muuk ni bonkob-
loo, ki u nyii tinj ni, ki mək yina njanlee nba naan Pegann yina, ki u piak, ki u kunkor naan waakperbiuk na kunkor; ¹² ki see muuk ni bonkob-sinsinn na toonn po, ki jii muuk ni bonkob-sinsinn manj yiikoo nba yab na, ki mukis tingboun na teeb kur, a bii jiantir muuk ni bonkob-sinsinn nba la dan nba yaa lin kpiu, ki u tan la laafia na. ¹³ Ki bonkobuk nba pukin banlee manj bia tun bakitnaun nyina, ki te ki muu nyii sanpaapo ki sik tinj na ni, niib ninbina ni.

¹⁴ Ki Yennu nba chabo ki u tuun bakitnaun nyina, muuk ni bonkob-sinsinn toonn na, ki u kpann tingboun na teeb, ki betib a bin maa tingbann, ki lii naan muuk ni bonkobuk nba la jukbanjiak dan njan tan ki kpo na. ¹⁵ Ki Yennu chab muuk ni bonkobuk nba pukin banlee na yaak, ki u foon foon ki tur tingbann nba naan muuk ni bonkob-sinsinn na, ki tingbann manj fit piak, ki te ki bi kpi binba ki sak bin jianto na. ¹⁶ Ki muuk ni bonkobuk manj bia mukis niib kur, binba tee tarii nan nijaana, nan məkita nan fara damm,

* **13:10** 13.10 Koo: Wunba ki Yennu senn nan bi saa kpiu nan jukbanjiak, bi set tan saa kpiu nan jukbanjiake.

nan daaba nan yent-n-mɔŋ damm, a wun dɔk bi niidiitu koo bi yugbia paak. ¹⁷ Niro nba ki dɔk na kaa u paak, u kan fit daa siar koo ki kɔi siari; ki dɔk nae tee muuk ni bonkobuk na sann, koo u sann kann.

¹⁸ Linba na tee yanfantir yare. Wunba kur mɔk bannu yan, wun dugin bann muuk ni bonkobuk maŋ kann bian. Kimaan bia, kann maŋ paak tee jasɔɔ sanne. Li kann tee kobii ŋanloob nan piinloob nan ŋanloobo.

14

Ki jiin tinnu yaŋ po

¹ Ki n yirintu maŋ ni ki n bia gokit ki la Pegann na, ki u see kunkonn nba ki bi yir Sayɔnn na paak, ki niib tuskobik nan tuspiinna nan tusaa ŋanna, binba mɔk u sann nan u Baa sann bi yugbia paak, ki bi lakin see nanɔ. ² Ki n gbat ki kunkɔr nyii Yendɔuŋ ni, ki fu nan sutik ni nyun na, ki bia naan satiangbeŋa nba tuu tian bianinba na, ki bia naan bafaara nba tuu faa biat, ki li mɔ bianinba na. ³ Ki niib tuskobik, nan tuspiinna, nan tusaa ŋanna maŋ see naangboun, nan bonfoa banna na, nan saakab na tɔɔnn po, ki yiin yanpaan nba ki sɔɔ ki fit tumii, see niib nba ki Yennu gannib tingboun na ŋaateeb ni ki tinnib na kuukɔɔ. ⁴ Ŋamme tee jab nba dia bi mɔŋ fanu ki ki kɔɔn poobi, ki ki mi dɔɔ nan poo gbaa; ŋamme bia waa Pegann na ki saa siaminba kur ki u saa; ŋamme tee binba ki Yennu gannib nisaarii sinsuuk ni, a bin teen sinsinn niib nba ki ŋɔɔ Yennu nan Pegann na gaarib. ⁵ Faak bia ki nyi bi mɔi ni; bi tee popeendamme.

Ki jiiin malakanba bantaa po

⁶ Ki n bia la malakasoo, ki u yuuk sanpaapo ki dia barɲanii nba be mɔkmɔk nan mɔkmɔk, ki mɔontir ki teen tingbouŋ na teeb: nibooru kur, nan maaru kur, nan mabooru kur, nan yent kur niib nba be tingbouŋ na ni; ⁷ ki u yet nan kunkɔsaakar a “Ii tiin Yennu kii biaki dontir u sann, kimaan yoo nba ki u saa bu niib buut na baara; ii jiantir ŋoo Yennu nba din nan sanpaak, nan tingbouŋ, nan mɔkgbeɲa, nan nyuntona kur na.”

⁸ Ki malaka nba pukin banlee na wei, ki yet a, “Dogbenjir Babilonn na baawa, u din te ki nibooru kur tun chonchonsin, li paak ki Yennu wutoor doo.”

⁹ Ki malaka nba pukin bantaa na wei, ki yet nan kunkɔsaakar a “Wunba kur jiantir muuk ni bonkobuk na nan u ninnaun na, ki mɔk bi dɔk u yugbiar paak, koo u nuu ni, ¹⁰ li daano saa la Yennu wutoor nba tee nan dapaarin nba ki u kpaar danmanban ni na. Li daano bia tan saa la biak, muu nba di nan sarwuuta na ni, Yennu malakanba nan Pegann na tɔonn po. ¹¹ Ki bi mukisuk muu maŋ munyuut saa do sanpaapo mɔkmɔk nan mɔkmɔk; bi bia kan la foon yonnu ni ki boi nyioku. Namme tee binba jiantir muuk ni bonkobuk na nan u ninnaun, ki mɔk u dɔk nba tee u sann bi paak na.”

¹² Li paak, li ŋan ki Yennu niib nba sak u mɔmaan ki teen Yiisa yada na-ii mɔk gbankur.

¹³ Ki n bia gbat kunkɔr nyii Yendouŋ ni ki yeen a man sob maan na a “Laa nyii motana ki saa, parpeenn be damm nba kpo ti Yomdaano sonu ni

na paak.” Ki Yennu Seyeen na sak a “Mamomm, bi saa la foon bi toongbeja paak, kimaan bi toona nyoot nae waab.”

Ki jiin tingboun na jaanu po

¹⁴ Ki n bia gokit ki la sanpagbounpeeun, ki soo kar li paak ki naan nisaarik bik, ki yir salima fokirik, ki dia gotuk nba di u nuu ni. ¹⁵ Ki malakasoo nyii Yenjiantu diiuk ni, ki yeen nan kunkosaakar, ki teen wunba kar sanpagboun paak na a “Jiin a gotuk na ki jaan tingboun na, kimaan jaanu man yooe na, li kur beera.” ¹⁶ Ki wunba kar sanpagboun paak na jii u gotuk man, ki jaan tingboun na.

¹⁷ Ki malakasoo mun nyii Yenjiantu diiuk nba be Yendoun ni na, ki dia gotuk nba di.

¹⁸ Li yoo ki malaka nba tee muu saakoo na nyii binbintir na boor, ki yeen nan kunkosaakar, ki teen malaka nba dia gotuk nba di na a “Jiin a gotuk na ki poor tingboun na tilonna na, kimaan lonna man kur monna.” ¹⁹ Ki malaka na jii u gotuk na, ki poor tingboun na tilonna, ki jii lonna man, ki teen gbiouk nba ki bi nmakii lonna li ni na. Gbiouk na tee Yennu wutogbenjir nyinne. ²⁰ Ki bi nmakir lonna na doo na kpin, ki son nyii siaminba ki bi nmakii lonna na ki tan pubir, ki li fokint saan nan maar kobiinlee nawa, ki li sumiiu saa baar taabatii nanjmuwa.

15

Ki jiin malakanba nan biak booru booru nba joont na po

¹ Li yoo ki n la bakitnaunŋ nyinjaann sanpaapo, ki malakanba banlore dia biak booru munlore nba tee Yennu wutoor nba biar poor na.

² Ki n la siar ki li naan mɔkgbenjir, ki yeen nan mianu na, ki ŋmat nan muu; ki n bia la binba kɔn ki nyann muuk ni bonkobuk nan u ninnaunŋ nan u sann kann na, ki bi see kpia mianu mɔkgbenjir na, ki dia kɔna nba ki Yennu turib na; ³ ki bi yiin yaŋ nba ki Yennu toontunnɔ Moses din tuu yiin na, nan Pegann na yaŋ a:

“Ti Yomdaano Yennu nba mɔk paŋ kur,
a toona tee toonjaana nba yaar litite,
a sɔnii took ki bia tee barmɔnii.

Fine tee nibooru kur Kpanbar.

⁴ Ti Yomdaano, ŋmee be ki kan tina
ki bia kan dont a sannii?

Kimaan fin kɔɔe tee popeendaano.

Nibooru kur tan saa baar ki jianta,
kimaan a barmɔnii toona nyii paanuwa.”

⁵ Li poorpoe ki n bia la ki Yenjiantu diiuk nba be Yendɔunŋ ni na loot, ki Yennu lanbounŋ na be lej. ⁶ Ki malakanba banlore nba dia biak booru ŋanlore na nyii jiantu diiuk maŋ ni, ki lia tapeenii nba kaa jakinsiati, ki jii salima chinchenlotii ki lor bi nyaat ni. ⁷ Ki bonfoa banna na yeno jii salima senii ŋanlore ki tur malakanba banlore na; ki Yennu nba be mɔkmɔk nan mɔkmɔk na wutoor gbee senii maŋ, ⁸ ki Yennu maŋ yentsaakar nan u paŋ te ki munyuut gbee jiantu diiuk na, ki sɔɔ ji ki fit kɔɔ lej nan yoo nba ki biak booru ŋanlore nba ki malakanba banlore dia na tan saa gbenn.

16

Ki jiiin senii nba gbee nan Yennu wutoor na po

¹ Li poorpoe ki n bia gbat ki kunkosaakar nyii Yenjiantu diiuk na ni, ki piak teen malakanba banlore na, a bin jii senii nanlore nba gbee nan Yennu wutoor na, ki kpaar moon tingbouŋ na paak.

² Ki sinsinn malaka na saan ki saa kpaar linba be u seŋ ni na, ki moon tingbouŋ na paak, ki nara nba bi, ki ton bonchiann na soor binba mok bonkobuk na dok, nan binba jiantir li ninnaun na.

³ Ki malaka nba pukin banlee na mun kpaar linba be u seŋ ni na, ki moon mokgbeŋa ni, ki nyun na kpant son ki naan kpeemmɔ yar, ki bonfoa nba kur be mokgbeŋa na ni kpo.

⁴ Ki malaka nba pukin bantaa na mun kpaar linba be u seŋ ni na, ki moon kpenii nan nyuntona ni, ki li nyun kpant son. ⁵ Li poorpo, ki n gbat malaka nba tee nyun saakoo na yeen a, "Ti Yomdaano, Popeendaano, fin nba tuu yoo be ki bia daa be na, a buut na tee linba tooke, ⁶ kimaan baa kpai a niib nan a sokiniinba nae, ki a jii son ki turib a bin nyu. Nanne jaŋ namm." ⁷ Ki n bia gbat ki kunkor nyii maruŋ binbintir na boor ki yeen a, "Ti Yomdaano Yennu nba mok paŋ kur, a buut na tee mamomme, ki tee linba took."

⁸ Ki malaka nba pukin banna na kpaar linba be u seŋ ni na ki moon yonnu paak, ki chabo yaak, a li tonu na n namm funn niib, ki yekitib nan muu na. ⁹ Ki tonu na nba namm yekitib nan muu na yoo nba, ki bi ji sukii Yennu nba mok biak na paŋ

na sann, ɲaan bia lek ki sak bin lebit bi dudukit kii dontiro.

¹⁰ Ki malaka nba pukin banɲmu na kpaar linba be u seɲ ni na, ki mɔɔn bonkobuk na naangbouɲ paak, ki bonkobuk maɲ naan yent kur kpant bunbɔnn, ki niib ɲman bi nyana, tont na paak, ¹¹ ki bia sukii Yennu nba be Yendouɲ ni na, kimaan bi tont nan bi nara na paak, ki bia ki sak bin nyik bi toonbiit na.

¹² Ki malaka nba pukin banloob na mun kpaar linba be u seɲ ni na, ki mɔɔn mɔkir nba ki bi yir Yufrates na ni, ki li nyun na fɔɔr ki bir sɔnjouk, a kpanbara nba be yondopo na n poot. ¹³ Ki n la narinbiit bantaa, ki bi naan pɔnta, ki nyii waakperbiiuk na, nan bonkobuk na, nan faak sokinii na mɔi ni. ¹⁴ Bi tee narinbiit nba tuun bakitnaunɲ toonae, ki lin tingbouɲ na kpanbara kur boor, ki tikiib a bin took tɔb, ti Yomdaano Yennu, wunba mɔk paɲ kur na dagbenɲir maɲ daar.

¹⁵ Tɔn, Yiisa yet a “Nnara, n baat nan nanyuko nba tuu baar bianɲinba nae. Parpeenn be daano nba ki gɔont, ki lia u tiat ki ki somm yanni, ki niib kan la u fei na paak.”

¹⁶ Ki narinbiit na tikir kpanbara na, ki saan namm siaminba ki Israel teeb yi Amagedonn na.

¹⁷ Ki malaka nba pukin banlore na mun kpaar linba be u seɲ ni na, ki mɔɔn wan ni; ki kunkɔsaakar nyii naangbouɲ nba be Yenɲiantu diiuk ni na ki yet a “Li tuma.” ¹⁸ Ki sanyikintii nyikintir, ki satianii tian fu, ki tiɲ damm bonchiann. Li tiɲ dammu booru ki mi damm, laa nyii yoo nba ki Yennu din nan nisaarii nawa, kimaan

li damm bonchiann. ¹⁹ Ki dogbenjir na bokit taar muntaa, ki nibooru kur digbana baa, kimaan Yennu-e tiar dogbenjir Babilonn maŋ niib na biit po, ki u wutogbenjir nba doo bi paak bianjinba na, ki u dat bi tuba bonbiir. ²⁰ Ki digbana nba ki nyun lintir na kur mirint, ki kunkona kura mun bia mirint. ²¹ Ki sakaana nba gbenj, ki li yenn kpaiu tee nan naar na nyii sanpaapo, ki tan baa niib paak, ki bi sukii Yennu, kimaan sakaangbenja nba baa bi paak na. Li din tee biak gbenjire.

17

Ki jiin poochonchonbiik po

¹ Li yoo ki malakanba banlore nba dia senii ŋanlore na yeno baar n boor ki betin a “Baat, ki n wanna poochonchonbiik nba kar nyun bonchiann paak na buut nba tan sii tee bianjinba; ² ki tingbouŋ na kpanbara chomm nano, ki tingbouŋ na niib nyuu u bonchonchontoonn nba tee nan daan na ki yib.”

³ Ki Yennu Seyeŋ na sik n paak, ki malaka na jiin ki saan nanin muuk ni, ki n la poo ki u jak muuk ni bonkob-moŋ, ki sana nba sukii Yennu na sob lint bonkobuk maŋ gbanant kur powa, ki bonkobuk maŋ mok yura ŋanlore nan yina piik.

⁴ Ki poo na lia tamont, nan salima tiat, nan tana nba nyirii bonchiann, ki dia salima seŋ nba ki u bonchonchontoonn jakint nan linba nubir Yennu boor na gbee leŋa. ⁵ Ki sann nba ki soo ki mi li paak sob u yugbiar paak a “Dogbenjir Babilonn, poochonchona nan tingbouŋ na bona nba nubir

Yennu boor na naa.” ⁶ Ki n la ki poo na nyuu popeendamm sɔn, nan Yiisaweira nba ki bi kpiib na sɔn ki yib.

Maa lau nna maŋ ki li baktin bonchiann. ⁷ Ki malaka na boin a bee ki li yaar litimi, a u saa wannin poo na nan bonkobuk nba ki u jak ki u mɔk yura ŋanlore nan yina piik na paak nba tee: ⁸ a bonkobuk nba ki n la na daan fo sianyoo, ŋaan ji ki fo, ŋaan saa nyi bootsunsuŋ nba kaa terik na ni ki do, ki saa saan siaminba ki bi saa biirɔ na; a ki niib nba be tingbouŋ na ni ki bi sana ki sɔb manfopaann teeb gbouŋ ni, yoo nba ki durinya daa din ki piin na, saa got bonkobuk na, lin baktib, kimaan bia? Bonkobuk na din fo, ŋaan ji ki fo, ŋaan bia tan sii fo; ⁹ a linba na loon yan nan bannue; a yura ŋanlore na tee kunkona ŋanlore nba ki poo na kar li paake; ¹⁰ ki bia tee kpanbara banlore, ki banŋmu kpo, ki wunba pukin banloob na tee kpanbar mɔtana, ki loo na daa ki dii naan; wuu taŋi dii naan, u naan maŋ kan yukiri; ¹¹ a bonkobuk nba daan fo, ki ji tan ki fo na, pukin kpanbara banlore na po, ki teen banniin, ki mun tan saa saan siaminba ki bi saa biirɔ na; ¹² ki yina piik nba ki n la na tee kpanbara piik, ŋaan bi daa ki dii naan, ki ŋamm nan bonkobuk na tan saa lakin di naan, ki yukir waaminna, ¹³ ŋaan bi piik na tan saa taan mɔb, ki jii bi paŋ nan bi yiikoo na ki tur bonkobuk na, ¹⁴ ki bi tan saa kɔn nan Pegann na, ki Pegann na saa nyannib, kimaan u tee yomdamm kur Yomdaano, nan kpanbara kur Kpanbare, ki u poorpoweiteeb mun tee binba ki u yiinib ki gannib, ki bi bia tee nimɔmm.

¹⁵ Nanne ki malaka na bia betin a nyun nba ki n la, ki poochonchonn kar li paak na tee nighboun nba tee nibooru, nan maaru, nan mabooru kur niibe; ¹⁶ a yina piik nba ki n la na, namm nan bonkobuk na sii nan poochonchonn na, ki fat linba kur ki u mək na ki nyikɔ gbananbir, ki pat u gbanant ki nman, ki bia joou muu, ¹⁷ kimaan Yennu-e te ki bi loon bin tun u loomm, ki taan mɔb, ki jii bi naangboun ki tur bonkobuk na mək mək nan nɔɔ Yennu maan maɲ nba tan saa gbee; ¹⁸ a ki poo nba ki n la na mun tee dogbenjir nba ki li kpanbar tee tingboun na kpanbara yudaanɔe.

18

Ki jii Babilonn baak po

¹ Li poorpo ki n bia la malakasɔɔ, ki u mək yiiikoo bonchiann, ki nyii Yendoun ni, ki u yentu namm yent ki lint tingboun na lokir kur po, ² ki u yeen nan kunkɔsaakar a “Dogbenjir Babilonn na baawa, li set baawa, ki ji kpant siaminba ki narinbiit kur, nan nɔɔnbiit nba mək sinsint na be. ³ Kimaan booru kur pon nyuu u nianbiiuk nba tee nan daan nawa, ki tingboun na kpanbara chomm nanɔ, ki tingboun na kpinkpenta kpant məkita, u nianbiiuk nba yabit na paak.”

⁴ Nanne ki n bia gbat kunkɔsiar nyii Yendoun ni ki yeen a,

“N niib, nyint i mɔɲ u ni man,
 ki daa lakin tuun toonbiit nanɔ,
 ki u biit maɲ tubdatu daa taabitini,

⁵ kimaan u biit na doo ki baar sanpaaka,
 ki Yennu tian u biit maɲ po.

6 Tɔn, bin mun tun ki jiino nan waa tuu tuun
 bianjinba na,
 ki pau u biit pann taar munlee, ki dat u tubir
 bonbiir,
 kimaan u te ki niib tun toonbiit bonchiann.

7 Bin te wun la mukisuk nan parbiir
 ki lin jan nan waa din tuu be u yamani
 ki dont u moŋ bianjinba na,
 ki yeen u par ni a ŋɔɔ poobate kar na,
 a u ki tee pakɔɔk kaa,
 a li paak, u kan mi la parbiiri.

8 Li paak, biak saa baaro dayenn,
 ki yiaru nan parbiir nan kon saa sooro,
 ki muu bia saa diu;
 kimaan ti Yomdaano Yennu nba bu nana na
 tee yabint daano.

9 Tɔn, tingbouŋ na kpanbara nba chomm nana
 ki dii u mant na, bi-i tani la u mudinu munyuut
 na, bi saa bui ki fabin u paak. ¹⁰ Bi tan saa tin
 janmaani u biak na paak, ki see banfokira ki ji
 yeen a “Wuya, dogbenir na, wuya, Babilonn, doo
 nba mok pan na, a tubdatu baare yiama.”

¹¹ Ki tingbouŋ na kpinkpenta tan saa bui fabin
 u paak, kimaan soɔ nba tan sii kaa ki saa
 daa bi tiat na paak, ¹² soɔ ji kan mi daa bi
 tiat nba tee salimmɔna, nan salimpeena, nan
 tanbinyinyira nba daauk paar, nan gbaknii, nan
 chinchenjana, nan tammɔna chinchena, nan
 daat nba mantik fan, nan linba ki bi jii loobuk
 nyana ki nan, nan bona nba ki bi dia daat
 nba daauk paar ki naan na, nan kut, nan bont
 nba kur fan, ¹³ nan kakaduro, nan gasinbunn,
 nan tulaarii, nan tulaarbooru nba tee mir nan

frankinsens na, nan daan,* nan kpan, nan yon, nan dii, nan nei, nan pei, nan taanii nan li torit, nan daaba, nan nisaarii manfoa gbaa. ¹⁴ Ki kpinkpenta na yeen a “Tiat nba ki a bo loon fii mək na, nan a məkint na, nan taɲant na gara, a ji kan mi lar.” ¹⁵ Ki kpinkpenta nba kpentir ki tan la gor doo maɲ ni na tan sii see banfəkire ki mɔ fabin, kimaan bi tiin u biak na jaɲmaanii. ¹⁶ Bi sii bui fabin ki yeen a “Wuya, dogbenjir nba naan poo nba gbab chinchennana, nan tammɔna chinchena, nan salima, nan laanii nba daauk paar na, ¹⁷ yoo waaminna sinsuuk nie ki a məkint na kur biir.”

Ki binba tee ɲarint yudamm, nan binba koo ki saa bi sonii na, nan ɲarinkanna, nan binba kur tuun məkɲbeɲa ni, ji see banfəkir, ¹⁸ ɲaan yikin, baa la ki muu diu ki li munyuut do sanpaapo na, ki bia yeen a “Ti ki mi la dogbenjir na booru;” ¹⁹ ki bi fini tant ki pukin bi yura, ki bui fabin ki yeen a, “Wuya, dogbenjir nba ki niib mək ɲarint ki lin məkɲbeɲa ni, ki kpentir, ki laat gor leɲ na, ki li kur biir yoo waaminna nook ni.”

²⁰ Yendouɲ ni teeb, nan Yennu niib, nan u sokiniinba, nan Yiisa toomiinba, ii mək parpeenn man, kimaan Yennu bu dogbenjir maɲ buut ki biiro ki turiwa.

²¹ Ki malakapaaro tokir tann nba gben nan nagbenjir na, ki lur məkɲbeɲir ni, ɲaan yet a “Bi tan saa wokit dogbenjir Babilonn na ki lu-u nnae wun biir, ki soɔ ji kan mi lau, ²² ki ji kan mi gbat ki bafaara faa biat, koo ki yan-yinna yiin yanii, koo ki yerpebira peeb yerii, koo ki kikapebira

* **18:13** 18.13 Bi din dia tilɔnae ki tee daan.

peeb kikai doo man ni; ki toontunno bia kan mi ki be lenji, ki soo bia kan mi ki gbat naar fuut lenji; ²³ ki fitir yentu ji kan yent doo man ni; ki jakunt nan pookoont ji sii kaa lenji biaki. Doo man ni kpinkpentae tuu tee tingbouŋ na paarib, ki doo man niib bia lin dia nyokii ki kpann tingbouŋ na niib kur; ²⁴ ki Yennu sokiniinba, nan u niib, nan binba ki niib kpiib tingbouŋ na kur ni na, bi son be Babilonn doo man paak, li paake, Yennu dat u tubir.”

19

¹ Linba na poorpo, ki n gbat fuut Yendouŋ ni, ki li tee nibur pinpauk, ki bi yeen a “Haleluya,* tinnu nan dontir nan paŋ tee ŋoo Yennu yare; ² ki u buut ŋan ki bia tee mamomm; ki u bu poochonchonbiiuk nba biir tingbouŋ na nan u chonchonsin na buut, ki dat u tubir, waa kpil ŋoo Yennu toontunna na paak.” ³ Ki nibur na bia yikin ki yeen a “Haleluya, doo nba ki bi joo na munyuut do sanpaapo mɔkmɔk nan mɔkmɔk.” ⁴ Ki saakab piinlee nan banna na, nan bonfoa banna na baa fabin, ki jiant ŋoo Yennu nba kar naangbouŋ paak na, ki yeen a “Mamomm, haleluya.”

Ki jiin Pegann na poochianu jaamm po

⁵ Ton, ki kunkosiar nyii naangbouŋ na boor ki yet a “Pakin Yennu man, yimm nba kur tee u daaba, yimm nba tiino, li nijaana nan tarii.” ⁶ Nanne ki n bia gbat kunkosiar, ki li fu nan nibur nba tuu piak ki fu na, ki bia fu nan sutik

* **19:1** 19.1 Haleluya paake tee: “Pakin Yennu man.”

ni nyun na, ki bia fu nan satiangbenja na ki yeen a “Haleluya, kimaan ti Yomdaano Yennu nba mək paŋ kur na tee Kpanbar. ⁷ Njaant man ki tii kpamm, kii mək parpeenn, kii dont u sann, ki turo baakir, kimaan yoo na baara ki Pegann na loon wun koon u poo, ki u sarkpen poŋ teen siira. ⁸ Ki Yennu tur sarkpen na chinchennann nba nyirii ki yeen bonchiann, a wun gbab.” (Chinchennann nae tee Yennu popeendamm binben-yeen.)

⁹ Ki malaka na yetin a n sob a “Binba ki bi yiimm ki bi baar Pegann maŋ pookoont jaamm ni na, parpeenn tee bi yare.” Ki malaka maŋ bia yetin ki pukin a “Maan na tee Yennu maame, ki tee mamomm.”

¹⁰ Li yoo ki n baa fabin u toonn, a n jianto. Ki u yetin a n daa tee nna kaa, a u tee min nan n naa waas nba dia Yiisa barjanii na toontunnanlooe, a n jiant Yennu-e.

Yennu sokiniinba nba sokint ki yeen na, bi piak Yiisa poe.

Ki jiin taanpeen jakiro po

¹¹ Li poorpo ki n la ki Yendouŋ loot, ki taanpeen see len, ki wunba jako na sana tee Nimono nan Barmondaano; ki u bu buut nan li barmonii, ki bia tookit tobii nan barmonii. ¹² Ki u ninbina naan mupeenu, ki u yir naanfokirii ki li yaba u yur paak, ki sann sob u paak, ki soo ki mi sann maŋ paak see u kuuko. ¹³ Ki liatir nba ki u lia na gbar son; ki sann nba ki bi yiu na tee “Yennu Momaan.” ¹⁴ Ki Yendouŋ ni tob niib jak taanpeenii, ki lia chinchennana nba peen ki

ki mək jakinti, ki waau. ¹⁵ Ki jukbanjiak nba di bonchiann tant ki nyii u mɔb ni, ki u saa jiiir ki kɔn nyann nibooru kur, ki yentib nan paŋ, ki saa ŋmakirib siaminba ki bi ŋmakii tilɔna na, ki li tee Yennu nba mək paŋ kur na wutochiɔŋ. ¹⁶ Ki sansiar sɔb u liatir nan u pann paak a “Kpanbara kur Kpanbar, yomdamm kur Yomdaano.”

¹⁷ Nanne ki n la malaka, ki u see yonnu ni, ki tian ki yi nɔɔnii nba yuuk sanpaapo, a bin tikir ki baar Yennu jaangbenjir na ni, ¹⁸ ki tan di kpanbara, nan lanjimanba yudamm, nan paŋ damm, nan taanii nan taanjakira, nan niib kur, binba tee daaba nan yent-n-mɔŋ damm, nan nijaana, nan binba tee tarii kur gbanant.

¹⁹ Ki n la muuk ni bonkobuk na, nan tingboun na kpanbara nan bi tɔb niib, ki bi tikir a bin kɔn nan wunba jak taamm maŋ na nan u mun yaa tɔb niib. ²⁰ Ki bi soor muuk ni bonkobuk na, nan u faak sɔkinii nba daan tuu tuun bakitnaun nyina u tɔɔnn po, ki kpann binba mək muuk ni bonkobuk maŋ dɔk na, nan binba daan jiantir u ninnaun na, ki lu muuk ni bonkobuk maŋ nan u faak sɔkinii na foot, bootsunsun nba ki muu nan sarwuuta di na ni. ²¹ Ki wunba jak taamm, ki jukbanjiak tant nyii u mɔb ni na, jii jukbanjiak maŋ ki kpai binba biar na, ki nɔɔnii na dii bi gbanant ki tan gboo.

20

Ki jiiin bintusir na po

¹ Ki n bia la malakasɔɔ, ki u nyii Yendoun ni ki siik, ki dia bootsunsun nba kaa terik na

peenii nan jaruk nba gbenj u nuu ni, ² ki soor waakperbiuk nba din tun be ki tee Sanbiirtɔɔ koo Sintaanii na, ki lorɔ, ³ ki jiiu lu bootsunsun na ni bintusir, ɲaan kpar ki kpaɔ kpai ki tabin, ki u ji kan fit kpann tingbouŋ na nibooru kur, bintusir na nɔɔk ni; ki bintusir na-i gar, bi saa lootɔ ki wun nyi paanu waan.

⁴ Ki n la naangbant, ki Yennu tur binba kar li paak na yaak, a bin bu buut. Ki n bia la binba ki bi din pot bi yura na sei; baa din mɔɔntir Yiisa barɲanii nan Yennu mɔɔmaan na paake ki bi kpiib; bi din ki jiant bonkobuk na, koo li ninnaunju, ki bia din ki gaar bonkobuk maŋ dɔk bi yugbia paak, koo bi nii ni. Bi fiir kuun nie, ki lakin dii naan nan Masia bintusir. Linba nae tee sinsinn kpeemm fiiru. ⁵ Kpeemm nba biar na ɲarin kan fiir kuun ni nan bintusir na nba tan saa gar. ⁶ Binba dɔŋ sinsinn kuun fiiru na ni, bi tee popeendamme, ki parpeenn bia tee bi yar; kuun nba pukin munlee na ji ki mɔk bi yiikoo; bi sii tee Yennu nan Masia mannteebe, ki saa lakin di naan nan Yiisa bintusir.

Ki jii binba nyann Sintaanii na po

⁷ Bintusir na-i taŋi gar, bi saa loot Sintaanii bootsunsun na ni ki ɲaau, ⁸ ki u saa lin ki kpann nibooru nba be tingbouŋ na kur ni, binba ki bi yib Gog nan Magog na. Sintaanii saa tikir bi kura ki bin faa tɔb; bi kann tee nan mɔkɲbenjir ni tanbiinii nae. ⁹ Ki bi tia lint lokir kur po, ki tant ki saa bia lint Yennu niib nba be sian na, nan doo nba ki Yennu mantik loon na. Ki muu nyii Yendouŋ ni ki tan diib. ¹⁰ Ki malakanba jii Sintaanii nba kpann tingbouŋ na niib na, ki lu-u

bootsunsuŋ nba ki muu nan sarwuuta di na ni, siaminba ki bi dɔŋ lu bonkobuk na nan u faak sokinii na. Leŋe ki bi saa di biak yonnu nan nyiɔk mɔkmɔk nan mɔkmɔk.

Ki jiiŋ buut nba joont po

¹¹ Ki n bia la naangbounbenjir nba peen bonchiann, nan wunba kar li paak na; ki tingbounŋ nan sanpaak mir bot u tɔɔnn, ki sɔɔ ji kan mi lar. ¹² Ki n la binba din kpo, nijaana nan tarii na, ki bi see naangbounŋ na tɔɔnn po; ki sɔɔ pɔbit gbant, ki bia pɔbit gbounleer nba ki bi sɔb binba mɔk manfopaann na sana. Ki Yennu bu binba kpo na buut, ki li waa bi toona nba tee bianjinba, ki li sɔb gbant maŋ ni. ¹³ Ki mɔkgbenja nyinn kpeemm nba be nyun ni, ki kuun nan kpeentiŋ mun nyinn binba kpo ki be bi ni na. Ki Yennu bu bi buut nan baa tun bianjinba na. ¹⁴ Ki bi jii kuun nan kpeentiŋ ki lub bootsunsuŋ nba ki muu gbee leŋ na ni. Kuun nba pukin munlee nae tee muu bootsunsuŋ maŋ. ¹⁵ Ki wunba sann din ki sɔb binba mɔk manfopaann na gbounŋ na ni, bi saa lu-u bootsunsuŋ nba ki muu gbee leŋ na nie.

21

Ki jiiŋ sanpaapo paann nan tingbounpaann po

¹ Ki n bia la sanpaapo paann nan tingbounpaann. Ki sanpaapo kper na, nan tingbounkper na mir bot; ki mɔkgbenjir ji kaa. ² Ki n la Yennu doo nba tee Jerusalem paann na, ki li nyii Yennu boor Yendouŋ ni, ki siik, ki tee nan pooyookir nba tuu teen siir ki faŋit u mɔŋ ki tookit jɔɔ nba

yaa wun kooṅṅ na. ³ Ki n gbat ki kunkoosaakar nyii naangboun na boor ki yeen a “Nnara, Yennu nyaak ji be nisaarii boore, ki ṅoo Yennu sii be namm, ki bi sii tee u niib, ki ṅoo Yennu moṅ sii be bi boor ki tee bi Yennu, ⁴ ki saa fiar ninnyuut kur bi numm po; ki kuun, koo parbiir, koo monii, koo tont ji sii kaa, kimaan bonkpera na kur gara.”

⁵ Ki wunba kar naangboun maṅ paak na yet a “Nnara, n tee bont kur bonpaanne.” Nanne ki u bia betin a n sobir, kimaan mobona na tee moniie, ki tee linba ki yada be li ni. ⁶ Ki u bia yetin a “Li poṅ tuma. N tee Alfa nan Omega-e; li paak tee piinu nan joontu. Binba ki nyunnyukuru mokib na, n saa pib manfoor nyun nba bunii ki nyi nyuntona ni na, ki bin nyu. ⁷ Ki wunba nyann nyannu na, u saa gaar linba na n boor, ki n sii tee u Yennu, ki u mun tee n bik. ⁸ Nnaan janmaandamm, nan binba ki teen Yiisa yada, nan bonbilankant damm, nan nikpiirit, nan bonchonchona, nan jabaabuura, nan patjiant-teeb, nan fai damm kur, bi binbeboor tee bootsunsun nba ki muu nan sarwuuta di na nie; ṅanne tee kuun munlee na.”

Ki jiin Jerusalem paann na po

⁹ Li yoo na, ki malakanba banlore nba daan dia senii ṅanlore, ki li gbee nan biak booru munlore nba joont na yeno betin, a n baar ki wun wannin Pegann na pooyookir. ¹⁰ Nanne ki Yennu Seyeen sik n paak, ki malaka na jiin ki saan nanin kunkonn nba fok bonchiann paak, ki wannin Jerusalem nba tee Yennu doo na, ki

li nyii Yendouŋ ni, Yennu boor ki siik, ¹¹ ki nyirii nan Yennu baakchiouŋ na, ki bia nyirii nan tanbinyinyir nba daauk paar ki bi yir jaspera na, ki yeen nan mianu na. ¹² Ki doo maŋ mək joongben-foot; ki joona maŋ mək tammoi piik nan ŋanlee, ki malakanba piik nan banlee guu tammoi maŋ, ki Israel booru piik nan ŋanlee na sana sob tammoi piik nan ŋanlee maŋ paak. ¹³ Ki tammoi ŋantaa-taa be joona ŋanna na paak, ŋantaae din be yondopo, ki ŋantaa be diitu po, ki ŋantaa be gaŋ po, ki ŋantaa be yonbaapo. ¹⁴ Doo maŋ fiakir see tana piik nan ŋanlee paake, ki Pegann na toomiinba piik nan banlee na sana sob tana piik nan ŋanlee na paak.

¹⁵ Ki malaka nba piak nanin na dia salima patu nba ki bi bikii bona na, a wun bikin doo maŋ, nan li tammoi, nan li joona na. ¹⁶ Ki li mək joona ŋanna, ki joona maŋ fəkint tee yomm. Ki malaka na bikin doo na nan u patu, ki li yarimu tee maar tusir nan kobii ŋanŋmu. Li yarimu, nan li sanpaapo fəkint, nan li fəkint tintann paak kur tee yomm. ¹⁷ Ki u bia bikin li joona, ki li tee taabana kobik nan piinna nan ŋanna. Malaka maŋ din bikin nan nisaarik nba tuu bikii bona bianinba nae.

¹⁸ Ki joona na maa nan tanbinyinyira nba daauk paar ki bi yi jaspera na, ŋaan ki doo na moŋ tee salimmōna, ki nyirii nan mianu na; ¹⁹⁻²⁰ ki bi jii tana nba daauk paar bonchiann, booru booru, ki fəkin fiakir na, ki tanbooru maŋ te ki li ŋan bonchiann.

Sinsinn fiakir tann nae ki bi yi jaspera,
ki tann nba pukin munlee na yi saafir,

ki muntaa ni yar yi agat,
 ki munna ni yar yi emeral,
 ki munṅmu ni yar yi onik,
 ki munloob ni yar yi kaneliann,
 ki munlore ni yar yi krisolat,
 ki munniin ni yar yi beril,
 ki munyia ni yar yi topas,
 ki piik ni yar yi krisopas,
 ki linba pukin piik nan yenn na yi jasint,
 ki piik nan ṅanlee ni yar mun yi ametis.

²¹ Ki li gana piik nan ṅanlee na tee tanbooru nba daauk paar, ki bi yir peel na, li mun yaa piik nan ṅanlee, ki gann kur tee peel maṅ yenn yenn, ki doo na sɔnu tee salimmɔna, ki nyirii nan mianu na.

²² N ki la Yenjiantu diiuk doo maṅ ni; kimaan ti Yomdaano Yennu nba mɔk paṅ kur na, nan Pegann na, ṅamme be leṅ, ki niib jiantirib. ²³ Ki doo maṅ ki loon ṅmaarik koo yonnu yentu, kimaan yabint Yennu baakchiɔṅ nae tee li yentu, ki Pegann na mun tee li fitir. ²⁴ Ki tingboun na niib sii be li yentu ni; ki tingboun na kpanbara saa kɔɔ nan bi mɔkint ki bir leṅ. ²⁵ Doo maṅ gana ki loo, kimaan nyiɔk kaa leṅ. ²⁶ Ki tingboun na nibooru kur saa kɔɔ doo na ni nan baakir nan mɔkint ki bir leṅ. ²⁷ Linba tee jakint, nan wunba tuun fei toonn, nan fai damm, kan kɔɔ doo maṅ ni, see binba sana sɔb Pegann na manfoor gboun na ni kuukɔɔe saa kɔɔ doo maṅ ni.

22

¹ Li yoo ki malaka na wannin mɔkir nba mɔk manfoor nyun na, ki li nyi Yennu nan Pegann

na naangbouŋ na ni, ki yeen nan mianu na, ² ki puub gaar doo na soŋjosinsuuk ni, ki tiik nba ki bi yir manfoor tiik na see mɔk-kpinii ŋanlee na kur po; ki tiik maŋ loon loona booru piik nan ŋanlee, ki binn nɔɔk ni ki li loon taar piik nan munlee, li loone ŋmaarik kur ni; ki li faat na tee tebuk ki tur nibooru kur. ³ Yennu nba por linba mɔb, li ji kii be doo maŋ ni; Yennu nan Pegann na naangbouŋ maŋ sii be doo maŋ ni, ki u toontunna na sii jiantirɔ. ⁴ Ki bi saa la u numm po, ki u sann saa sob bi yugbia paak. ⁵ Nyiɔk ji tan sii kaa, bi tan kii loon fitir koo yonnu yentu, kimaan ti Yomdaano Yennu sii tee bi yentu. Ki bi saa di naan kii be mɔkmɔk nan mɔkmɔk.

Ki jiin Yiisa baaru po

⁶ Ki malaka na bia yetin a “Mɔbona na tee moniie, ki yada bia be li ni. Ki ti Yomdaano Yennu nba jikit u Seyeen ki teen u sɔkiniinba na, ŋɔɔe tun u malaka, a wun baar ki wann u toontunna linba saa tun mɔtana.”

⁷ Yiisa yet a “Gotir man, n baate mɔtana.”

Tɔn, binba saak sɔkinii mɔmaan nba sob gbouŋ na ni na, parpeenn tee bi yare.

⁸ Min Joonn-e gbat ki bia la linba na kura. Maa gbat ki bia la na, li yoɔe ki n baa fabin malaka nba wannin linba na na tɔonn, ki yaa n jiantɔ.

⁹ Ki u yetin a n daa tee nna kaa; a u mun tee min nan n naa waas nba tee sɔkiniinba, nan binba saak linba be gbouŋ na ni na toontunnaŋlɔɔe; a n jiant Yennu-e. ¹⁰ Ki u bia betin a n daa borii sɔkinii mɔmaan nba be gbouŋ na ni, kimaan yoo na pera; ¹¹ ki wunba tuu tuun toonbiit, wun biar

kii tuun nna, a ki wunba mun tuu tuun jakint toonn, wun biar kii tuun nna; ki wunba tuu tuun toonjana, wun mun biar kii tuun nna, ki wunba tuu tee popeendaano, wun mun biar kii tee nna.

¹² Yiisa yet a “Gotir man, n baate motana, ki dia soo kur toona nyoot, a n tan turɔ. ¹³ Mine tee Alfa nan Omega, sinsinn nan joontu, pinpiik nan gbennu.”

¹⁴ Damm nba wuur bi para nan Yiisa son na, parpeenn tee bi yare; li paak ki bi mok yaak nba saa di tiloona nba teen manfoor na, ki saa koo tammob na ni ki saan doo na ni.

¹⁵ Ki bonbilankant damm, nan jabaabuura, nan bonchonchona, nan nikpiirit, nan patjiant-teeb, nan binba tee fai damm bi momaan ni nan bi toona ni na, bi kur tan sii be doo man nanyer poe.

¹⁶ “Min Yiisa-e tun n malaka, a wun tan fiit maan na ki tur n weira. Mine tee Defid yaaboonn, ki bia tee sanyafaar nmaajar nba nyokit na.”

¹⁷ Ton, ki Yennu Seyeen nan Pegann na pooyookir na yet a “Baat.”

Ki wunba gbatir n mun yet a “Baat.”

Ki wunba kur ki nyunnyukuru sooro, wun baar; ki wunba loon nyun man, wun gaar yann.

Momajoontik

¹⁸ Wunba kur gbat sokinii momaan nba be gbouj na ni, min Joonn kpaano nan ninmonne, a wunba pukin siar momaan man ni, Yennu saa jii biak booru booru nba sob gbouj na ni na, ki pukin u tubdatu po. ¹⁹ Ki wunba mun nyinn siar sokinii momaan nba be gbouj na ni, Yennu saa

nyinn u tor nba be manfoor tiik lɔɔna na ni, nan Yennu doo nba ki bi sob li po gbouŋ na ni na.

²⁰ Tɔn, wunba pak linba na yet a “Mamɔmm, n baate mɔtana.”

Mamɔmm, ŋaant ki lii tee nna. Ti Yomdaano Yiisa, baat.

²¹ Ti Yomdaano Yiisa ninkpabaun-ii be nan i kur. Mamɔmm.

Yennu Gbouj Moor
Bimoba: Yennu Gbouj Moor Bible

copyright © 2003 Wycliffe Bible Translators, Inc.

Language: Bimoba

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

00d89ba0-4677-52d9-9bc5-aa3d7c5c966d